

Broj: 01-01-3029/18
Sarajevo, 13.12.2018. godine

Na osnovu člana 90 Zakona o javnim nabavkama BIH („Službeni glasnik BIH“ br. 39/14), člana 4. Pravilnika o postupku direktnog sporazuma („Službeni glasnik BIH broj 90/14), člana 4. Pravilnika o postupku direktnog sporazuma za nabavku roba, usluga i radova u Javnoj ustanovi "Služba za zapošljavanje Kantona Sarajevo" – Sarajevo, broj: 05/1-0545-UO/15 od 30.03.2015. godine, vd direktor donosi

O D L U K U
o izboru ponuđača

Član 1.

Na preporuku Jedinice za poslove nabavke, prihvata se ponuda ponuđača „Itehnika“ d.o.o. , od 13.12.2018. godine za nabavku računarske opreme (laptopi, tableti, računari, monitori, printeri, skeneri i centralni UPS...) za potrebe Javne ustanove „Služba za zapošljavanje Kantona Sarajevo“, Sarajevo, za ponuđenu cijenu 2.076,91 KM bez PDV-a .

Član 2.

Prijedlog ugovora o nabavci dostavit će se na potpis izabranom ponuđaču „Itehnika“ d.o.o.

Član 3.

Za izvršenje Odluke zadužuju se Jedinica za poslove nabavke i Sektor za ekonomske, poslove i trezor.


Član 4.

Ova odluka stupa na snagu danom donošenja i objaviće se na web stranici JU "Služba za zapošljavanje Kantona Sarajevo" Sarajevo.

Obrazloženje

U cilju izvršavanja redovnih poslova i zadataka Jedinica za poslove nabavke je pokrenula predmetnu nabavku u skladu sa Planom javnih nabavki za 2018. Godinu i zahtjevom Sektora za podsticajne mjere i informatiku. Jedinica je poslala zahtjev za ponudu ponuđačima Itehnika doo i IT Systems te ponudu ponuđača Itehnika doo smatra najpovoljnijom,

VD DIREKTOR


Muhamed Bekto

Dostaviti:
- Odjel za poslove nabavke
- Sektor za ekonomske,
računovodstvene poslove i trezor
- Evidencija
- a/a



Javna ustanova „Služba za zapošljavanje Kantona Sarajevo“ Sarajevo, ulica Đoke Mazalića broj 3, zastupana po v.d. direktoru Bekto Muhamedu (u daljem tekstu: Kupac)

i

„Itehnika“ Društvo za proizvodnju, usluge i informacioni inženjering, ulica Saliha Udžvarlića broj 10, Sarajevo, zastupana po direktoru Alić Damiru (u daljem tekstu: Prodavac)

zaključili su dana _____

UGOVOR O NABAVCI RAČUNARSKE OPREME

I – PREDMET UGOVORA

Predmet ovog ugovora je nabavka računarske opreme za potrebe Kupca, provedena putem direktnog postupka. Odlukom broj: 01-01-3029/18 od 13.12.2018. godine prihvaćena je ponuda Prodavca.

Isporučka se sastoji od opreme i količine navedene u ponudi Prodavca broj: broj: 128-1/18 koja je sastavni je dio ovog ugovora.

II – CIJENA

Ukupna cijena predmetne nabavke bez uračunatog PDV-a iznosi 2.076,91 KM (dvijehiljadeseđamdesetšest i 91/100).

Cijene opreme su pojedinačno sadržane u ponudi Prodavca i iste se ne mogu mijenjati.

III – USLOVI I NAČIN PLAĆANJA

Plaćanje isporučene opreme koja je predmet ovog ugovora, vršit će se u roku od 7 (sedam) dana od dana ispostavljanja originalne fakture, sa obostrano potpisanom otpremnicom.

Faktura će se ispostaviti na adresu Kupca: Javna ustanova „Služba za zapošljavanje Kantona Sarajevo“ Sarajevo, ulica Đoke Mazalića broj 3, Sarajevo.

IV – ROK I MJESTO ISPORUKE

Isporučka opreme iz stava I ovog ugovora realizovat će se u skladu sa prihvaćenom ponudom, te će se ista isporučiti na adresu Kupca: Javna ustanova „Služba za zapošljavanje Kantona Sarajevo“ Sarajevo, ulica Đoke Mazalića broj 3, Sarajevo.

V – GARANTNI ROK

Garancija za isporučenu robu iz tačke 1. Ponude je 24 mjeseca, a za robu iz tačke 2. ove Ponude garancija je 36 mjeseci.

Prodavac se obavezuje da će za vrijeme garantnog perioda za isporučenu robu, po reklamacijama Kupca, u slučaju bilo kakvih manjkavosti, o svom trošku u roku od 7 (sedam) radnih dana, od dana prijema reklamacije napraviti odgovarajuću zamjenu količine i vrste računarske opreme.

VI – PENALI

U slučaju kašnjenja u isporuci opreme koja je predmet ovog ugovora, a do koje je došlo krivicom izabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupne ugovorene vrijednosti opreme koja je predmet ovog ugovora. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane Kupca. Ugovorna kazna neće se naplatiti ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.

VII – RJEŠAVANJE SPOROVA

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

VIII – ZAVRŠNE ODREDBE

Ovaj ugovor sačinjen je u 4 (četiri) istovjetna primjerka od kojih svaka ugovorna strana zadržava po 2 (dva).

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke.

PRODAVAC
ITEHNIKA

Društvo za proizvodnju,
usluge i informacioni inženjering





Danijel Alić

iTechnika
d.o.o.
Sarajevo

KUPAC

Javna ustanova
„Služba za zapošljavanje Kantona Sarajevo“
Sarajevo



v.d. Direktor, Muhamed Bekto

01-01-3066/18
17.12.2018. 9.

